

درسعادته یکی پوسته خانه قارشوسنده
دايره مخصوصه در
حل ارامه:

مرآت القلوب

۱۳۲۶

دين، فلسفه، ادبيات، حقوق و علوم دن باحث هفته لق رساله در

مسلک مزه موافق آثار جديه مع المنونيه قبول اولور
درج ايديلمين آثار اعاده اولغاز
اخطار:

مؤسسلری: ابوالعلا زين العابدين - ح. اشرف اديب

تاریخ تأسیسی:
۱۱ نموز ۳۲۴

درسعادته نسخه سی ۵۰ پاره در
قیریلنه دن مقوا بورو ایله کوندریلیرسه سنوی
۲۰ غروش فضله آلنیر.
درسعادته پوسته ایله کوندریلیرسه ولایات بدلی اخذ اولنور.

درسعادته	سنه لکی	القی ایلغی
ولایاتده	۶۰	۳۵
ممالک اجنبیه ده	۹۰	۵۰
	۱۰۰	۵۵ غروشدر

امثال ایتسونلر ؛ یاواش یاواش بوکا بکزمه میده چالیشسونلرده هم کندیلرینی مسعود ایتسونلر، هم ده بزم سعادتیزی - که اونلرک سعادتیه مربوطدر - تأمین ایتسونلر . والله یهدی من یشاء الی سواء السبیل .

منبر جمعی : محمد عاکف

مواعظ

مقرری : مناستری اسماعیل حق افندی حضرتلری

محرری : سیروزی ح . اشرف ادیب

درس : ۴۷ ۲۴ تموز ۳۲۴

باشقه شیلردر . اخوت دینه ... اویوک شی . بتون اخوتلرک ، حتی اخوت نسییه نیک بیله فوقنده در . [انما المؤمنون اخوة] . انکلتزه ده کی ، روسیه ده کی ، هندستانده کی و دنیانک تایلیم نره سنده کی مسلمانلر هپ قارداشیمزدر . بزم سعادتیز اونلرک سعادتیی . اونلرک سعادتیی بزم سعادتیز . فلاکتلر عزده اولیه . هیچ فرق یوق .

صوکرا برده اخوت وطنیه وار . برطوپراقده یاشایانلر ، بردوات نیر اداره سنده بولونانلر آراسنده ده براخوت واردر . مسلم ، غیر مسلم جله سی وطن قارداشی صاییلیر . ارمنی ، روم ، بلغار ، موسوی ... هپسی بر حکومته تابع در . معدلت اونی ایجاب ایدر . بز نهدن اشاغی دوشمشیز ؟ هپ تبعه نیک حقوقی اخلاص ایتکدن . یکپیری دورلرنده کی حدت و شدت ، مظالم سونلرکله بتمز ، یازمقله توکنمز . جلدلر طولوسی مظالم اجرا ایتمشیز . انسان انتقام ایستر . فرصت دوشورنجه اخذه قالدیشیر . بوده طبیعی دکلی ؟

فقط نه حقله بومظالمی اجرا ایتلی . علی الاطلاق ظلم ممنوعدر . بالخاصه وطن قارداشیه ظلم دکل ، هرکسدن زیاده حسن معامله ایدنیک لازم کلیر . اللهم امانتی در اونلر بزه .

حضرت عمر افندمن آخر عمرنده ، معلوم ، رتبه شهادت احراز ایتدی . شهیداً وفات ایتدی . اونی شهید ایدن برنجوسی در . (ولید بن مغیره) نیک برکوله سی واردی . اوکوله شهید ایتدی . سببی تاریخیجه معلوم در . حضرت عمره قارشی اوپله دیدی :

— هرکسه عدالت ایدیورسک ، فقط بکا ایتیورسک .

— نیچون ؟

— افندم ، بن صنعتکار برکوله یم . دکر منجیلک ایدر ، افندمه بر شی ویررم . [۱] افندمه سویله ده بنم خراجی تمذیل ایتسون . بندن آلدینی پاره نیک یاریسنی بکا باغشلاسون . بنم جزیه می ، بندن آله جنی پاره نیک مقدارینی تخفیف ایتسون .

بونک اوزرینه حضرت عمر تحقیق ایتدی . باقدی که یالان سویلر . افندیسی آز آلیر . حالبوکه بو ، پک چوق قازانیر . اونک ایچون کوله یی حقسنر چیقاردی .

— چوق برشی ویرمیورسک که دیدی . قازاندینگک انجق اونده بری قدر جزئی برشی ویریورسک . نهدن چوق کوریورسک ؟

[۱] معروف مکاتب ایدی . کتابت برنوع عقد شرعیدر کوله ایله افندیسی آره سنده اولور .

انجق خلاق حکیم بواسر عظیمی ده حکمت بالغة صمدانیسنک ایجاب ایتدیکی طرز بدیعده اکمال بیورمش ؛ قادیسلری - بتون تمایلات عالمه رهبر اوله جق ، بتون جهان اوزرنده اجرای نفوذ و حاکمیت ایده جک درجه ده علوی اولان بو قدر و منزلته اهل اولملریچون - الک رقیق احتیاسات ایله ، الک شفیق تمایلات ایله مفطور ایتشدیر . بونک ایچون قادین خیردن بشقه برشیله امرایتمز ، مرچندن بشقه برحسه تابع اولماز . ایشته قادینک سلاحی بودر . اگر بونی بیلش اولسه یدی درت ال ایله صاریلیر ، لندن آلمق ایستیلرک سوزینی دیکله مک شوپله طورسون ، اونلری مستقبلنک حسودی اولمقله ، بوکونکی اسارتی برقات دها آرتیرمق ، حیاتی مرارت آکین ایتک آزر و سنده بولنمقله اتهام ایدردی .

عجبا قادین مستقبلنک شو طرزده کی ماهیتی اکلادقندن صکره یوزنده کی اورتویی قالدیرمه میده راضی اولورمی ؟ اصلاً ! زیرا اشاغیده فلسفی ، اجتماعی بر صورتده اجرا ایده جکمز تحلیلاندن اکلاویه جقدرکه رفع حجاب مسئله سی اسارتی برقات دها آرتیره جقدر . بوحال ایسه قادینک یالکز معطلیتی موجب اولمقله قالماز ؛ بلکه پیشگاه عزیم واقدا منده آماده طوران غایه کاله وصولنده مانع اولور .

یا عجبا ینه اوقادین امور و مشاغل خارجیه ده ارککله مسابقه میل ایدرمی ؟ اصلاً ! زیرا بو هوس اونی عرش ملکندن [عالمه سندن] اولیه بر صورتده آیررکه آرتق اونک ایچون حریت و سعادتیک نقطه اجتماعی اولان مرکز مسئله وصول احتمالی کلیاً منقطع اولور . ننه کم بونیجه آتیده تجارب یومیه ده استناداً اثبات ایدیه جکدر .

اولیه یسه قادین نه یاسون ؟ اوت ، نصل انا اوله جفنی اوکرنسون ؛ والده لکک وظائفی ، قوانینی تبع ایتسون ، تربیه اولاد مسئله سنک احتوا ایلدیکی دقایقی ، غوامضی نظر امعانه آلسون . اوت تربیه ده کی او دقایقی اکلاسونکه جانی شمع ، بخیلی جوهر ، ایبراطوری بی جهوری ، اشتراکی ملوکی ایدیور . السنه اجنبیه اوکرنمکله اظهار مباحات ایتیه بر اقسون ؛ بوکی نمایشلرله وقتنی ، نقدینی اسراف ایتسون . زیرا بونلرک کافه سنه قارشی کوستره جکی انهماک اونی نوعنه خاص اولان و سرمد و علوی انجق اونکله قائم بولسان غایه کالندن اوزا فلاشیدیرر . ویاواش یاواش اون نقطه میده طوغری چکر کوتوررکه کندیلی ایچون ورطه رق و اسارتدر . ممالک سائرده کی قادیلرک آجیق صاحبی کزملرینه ، طولاشملرینه باقوبده آلدانماسون ؛ بونلرک قادیلر ایچون موعود اولان مستقبل مسعوده دها یاقین اولدقلرینی ظن ایتسون . هیئات ، بوحال بیچاره لری اولیه بریوله طوغری سوق ایدیورکه کندیلری ایچون قطعاً طریق سعادت دکلدیر . ذاتاً اوعلکتلرک خلقی بیله قادیلرینک بوحال لرندن شکایته باشلادیلرکه یوقاریده اونلرک اعظمندن نقلاً برآز ایضاحات وردک .

ایشته تکمل ایتش قادین بویله اولور ؛ اونک حریت حقیقه سی ، یوحیات جدلکا هنده کی سلاحی ده بودر .

اولیه ایسه مخدرات اسلامیه بودتالی نظر امعانه آلسونلر ؛ بوکا

بوندن طوبی غرض پیدا ابتدی: — هرکسه عدالت ایدرسک، بکا ایتزسک!.. دیدی. سوکرا حضرت عمر افندمن برکون صباح غازی قیلارکن، اوخائن زهرلی بر قلیجه آرقه سندن صالیدی. حضرت عمر فاروق بر ایکی کون قدر یشادی، سوکرا وفات ابتدی. او ائشاده کبار امت حضور عمره کلدیلر، صوردیلر: — ای امیر المؤمنین! ای خلیفه ذیشان! آرتق حیاتدن امیدگی کسدهک. هر ایشی شورایه براقدهک. آریجه توصیهک یوقی؟ صحیح بخاریده مصرحدر بو.

— سره اک برنجی توصیه، دیدی، اللهک ذمتنه، رسولک ذمتنه، یعنی شریعتک و بریدی عهده صیغنان غیرمسلم تبعه یی خوش طوتک. اولره قارش قلیکزه بر خیانت، برغرض بسلمهیک. دقت ایدیورمیسکزه؟ نصل بر زمانده بو توصیه یی ایدیور؟ کندیسنی شهید ایدن بر غیرمسلم. اوله ایکن اولره عداوت بسلمه میور. حد ایدیوردی الله، که بر مسلم اوزرنده قانی قلامدی. — اک برنجی تشکر الله بودر. دییوردی، یا برسرکشک ایدرک بر مسلمان قائمه کیرسه یدی اوده یانه جقدی. بوايسه ذاتاً مسلمان دکل... قوجه فاروق! قوجه ثمال عدالت!... بویه بر زمانده غیظه دوشه جک ایکن، هر درلو انتقام فکرنی توصیه ایده جک ایکن ایلک توصیه سی بو اولدی.

— ذمت وعهد ايله معیتزده، اداره مزده بولونان تبعه یه مادام که امان ویرمشز، حقوقزله مساوی طوتمشز، اک برنجی نظر اعتنایه آله جغیز شی اولری ممنون ایتکدر... [لهم مالنا وعلیهم ماعلینا] اولر حقنده بیورولمشدر. دیگر بر روایتده ايسه [فانه ذمة نبیکم ورزق عیالکم]. برکزه پیغمبرمزه عهده وار. رسول اکرم افندمزده آخر عمرنده توصیه بیورمشدر:

— ظلم ایتیک. عدالتی کوزتک. دین اسلامه دشمن اولماسونلر. اصلاً حققرینه تجاوز ایتیک. آثار خصومت کوس-ترمیک. اولردن سره فائده وار. نه قدر چوق اولورلرسه اوقدر ویرکی زیاده لشیر. نه قدر تبعه غیرمسلمه اولورسه اونسبتده واردات چوغالیر. محو ایدرسه کز کندیکز آج قالیرسکزه...

نصل که اوله اولدی. بو مظالم چوغالده قجه نفوس آزالدی. مالیه یه ضعف عارض اولدی. ایشلر ایشلنز، صنعتلر اجرا ایدیلز، هر درلو حوایج بشریه تمشیت قیلمازسه اداره امور مختل اولور، بتون مضایقه یه گرفتار اولورز. اولرک حققرینه رعایت ایدرسهک هم پیغمبرمزه امرینی ایفا ایتمش، هم ده استراحت و سعادتمزی تأمین ایتمش اولورز. اگر مظالمه قالشیرسدق الله ده برکتی قالیریر، نه استراحت قالیر، نه سعادت. اولک ایچون و عز عدالتی امر ایدیور. سوکراده بیورورکه: — [ان الله نعمایمظکم به] بوايسی که الله ویرییور، نه کوزل و عظدر! نه کوزل نصیحت در! اکلارمیسکزه؟ اولا کندی نفسکزه مرام آکلاتق، حقوقی طانیق، سوکرا حقلی یی حقسزی کوسترمک، ناس بیننده منازعه یه میدان

ویرمه مک... بو، اللهک وعظی در. تذکیر ایدر. وعظ، تذکیر دیمکدر. دوشونسه کز کندیکزه بوله بیلیرسکزه. ذاتاً فطرتده وار بونلر. حیوان دکلز. عقل نیچون ویریش؟ معاملات منصفانه یی بزه تلقین ایده جک.

[ان الله کان سمیعاً بصیراً] علی التحقیق الله تعالی داغاسمیع و بصیردر. من الازل الی الابد بتون اقوال کزی ایشیدیر.. نصل حکم ویره جکسکزه، عدالتله یی، ظلمله یی؟ ویردیککز حکملری ایشیدیر. (بصیر) هر شینی کورور. امانتی کیم تأدیه ایدر، کیم خیانت ایدر؟

(بصیر) ايله بوکا اشارت ایدر. بوفعلدر چونکه. امانتی کوره. بیلیرز. امانتلهر داغما نظرکاه الهیده در. هیچ برشی جناب ذوالجلاله خفی قالمایور. بتون مسموعات. بتون مبصرات معلوم الهی در.

شیدی ایشته الله امر ایدر والیر. ولوان کیشی به حکمی کچسون، هر کیم اولورسه اولسون امور عبادی در عهده ایدن کیمسه لره مصالح امتی ایفایه احراز ولایت ایدن کیمسه لره، جمله سنه بو خطاب شاملدر. ایشته اولره، اول ولات امره، کندیلرینه امانت ویریش، اوامانتی کوزه تلره اولانصافی امر ایدیور. آندن سوکرا بزه ده اطاعتی فرمان بیورویور:

[یا ایها الذین امنوا اطیعوا الله واطیعوا الرسول واولی الامر منکم... والیره عدالت، حاکم لره حکم الهی نه ايسه اونکله ایفای حقوق ایتکی امر ایدر. آندن سوکرا: — [یا ایها الذین امنوا اطیعوا الله] بیوردی، ای ایمان ايله متصب قوللرم، الله اطاعت ایدیکز که سره امر ایدر ایشته: [واطیعوا الرسول] رسول ذیشانده اطاعت ایدیکز. سره نه تبلیغ ایدرسه الله امری در، اونی ایفا ایدیکز.

[الله اطاعت ایدک] بیورویور، که امر لره هپ امته در: قانون عدلی تأسیس ایدن، سلامت یولنی توصیه بیوران الله اطاعت ایدک. فعلاً بزه درس ویریور. اما نره ده رسول اکرم؟ بوراده دکل. سوکرا قیامته قدر اطاعت لازم. اوله دکل، امت بقا بوله جق. اولک ایچون — [واولی الامر منکم] بیورویور. رسولکز کیتدکن سوکرا اولک یرینه قویه جغکز ذات یوقی، یعنی امر صا جبری...

بتون سلاطین، خلفا بونده داخل در. خلافت، سلطنت احراز ایدنلر، امت اوزرینه حکمی کچن، یعنی اهل اسلامدن اولوب ده خلافت احراز ایدنلر... اولرده بر نوع نائب دیمکدر. تنفیذ احکامه مأمور. کندی کندینه قانون یاپه ماز. الله وضع ایتمش کلیاتی. اما جزئیات ایچون اهل وار، اولر طرفندن تنظیم اولنور. اونظامه دائر تعلیمات یوقی؟ هب اولر شریعتی اجرایه وسیله در، عدالت رهبرلیدر. یولیه تطبیق ایدیور. نه یوله اجرا اولونه جغنی کوستره بیور. حکومت بونی اجرایه واسطه در. سلطان اولسون، خلیفه اولسون، بونی اجرا ایده جک. شریعتک محافظه سنه نظارت ایده جک. هرایشی اهلنه تودیع ایده جک. امور حکومتده سلطانک وظیفه اسا. سیه سی بودر.